



---

Komisija za obrazovanje, nauku, kulturu, sport i mlade

Na osnovu člana 31. a u vezi sa članom 96. stav (3) Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 9/17), Komisija za obrazovanje, nauku, kulturu, sport i mlade na 27. sjednici održanoj 12.12.2017.godine. donijela je slijedeći

### Z a k l j u č a k


#### I

Prihvata se inicijativa o izmjenama i dopunama Zakona o Univerzitetu u Bihaću, te se traži od Kolegija Skupštine Unsko-sanskog kantona da se na narednoj sjednici Skupštine kao tačka dnevnog reda nađe Zakon o izmjenama i dopunama Univerziteta u Bihaću na način da se član 4. i 5. Zakona o izmjenama i dopunama zakona o Univerzitetu u Bihaću izmijeni na način da se rok za okončanje magistarskog i doktorskog rada definiše za 31.12.2018. godine.

#### II

Ovaj Zaključak stupa na snagu danom donošenja.

Broj: 02/4-49-1-780-2/18  
13.12. 2017.godine  
B i h a ć



Shodno odredbama IV.2.b) i V.A.11.b) Ustava Unsko – saskog kantona – Prečišćeni tekst („Službeni glasnik Unsko – saskog kantona“ broj:1/04 i 11/04) Skupština Unsko – saskog kantona na 37. redovnoj sjednici održanoj dana 22.12.2017.godine donosi

## **Zakon o izmjenama Zakona o Univerzitetu u Bihaću**

### **Član 1.**

U Zakonu o Univerzitetu u Bihaću („Službeni glasnik Unsko – saskog kantona“ br.16/09, 4/11, 6/13, 22/13 i 22/15) član 43. stav (3) osnovnog teksta mijenja se i glasi:

„Prava i obaveze završetka studija po ovom članu ograničava se na 31.12.2018.godine“.

### **Član 2.**

Član 5. Zakona o izmjenama i dopunama Zakona o Univerzitetu u Bihaću („Službeni glasnik Unsko – saskog kantona“ broj: 22/15) mijenja se na način da se u članu 43a „datum i godina 31.12.2017“ zamjenjuju „datumom i godinom 31.12.2018.“

### **Član 3.**

Ovaj Zakon stupa na snagu narednog dana od dana objavljivanja u „Službenom glasniku Unsko – saskog kantona“.

Broj: 01-02-1\_\_\_\_\_17  
26.12.2017.godine  
B i h a ć

Predsjedavajući Skupštine  
Unsko-saskog kantona  
Nijaz Hušić, prof.

## O b r a z l o ž e n j e

### I. PRAVNI OSNOV

Pravni osnov za donošenje Zakon o izmjenama Zakona o Univerzitetu u Bihaću sadržan je u odredbama IV.2.b) i V.A.11.b) Ustava Unsko – sanskog kantona – Prečišćeni tekst („Službenik glasnik Unsko – sanskog kantona“ broj:1/04 i 11/04).

### II. RAZLOZI ZA DONOŠENJE

Članom 63. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ broj:59/07) propisano je da će se Zakoni Republike Srpske i kantonalni zakoni iz oblasti visokog obrazovanja uskladiti sa odredbama ovog zakona u periodu od šest mjeseci nakon njegovog stupanja na snagu. Sva pitanja iz oblasti visokog obrazovanja koja nisu regulirana ovim zakonom regulirat će se zakonima na nivou Republike Srpske i kantona.

Shodno navedenom Skupština Unsko – sanskog kantona na petoj vanrednoj sjednici održanoj dana 20.04.2015.godine donijela je Zakon o izmjenama i dopunama Zakona o univerzitetu u Bihaću u kojem je utvrdila rok da se prava i obaveze završetka studija ograničavaju na 31.12.2017.godine.

Kako je veliki broj studenata započeo postupak za sticanje naučnog stepena doktora nauka prema odredbama ranijih propisa, a koji nisu u gore utvrđenom roku uspješno okončali postupke za sticanje naučnog stepena magistarskog i doktorskog rada, to je Komisija za obrazovanje, nauku, kulturu, sport i mlade na 27. sjednici održanoj dana 12.12.2017.godine donijela Zaključak kojim je prihvatila inicijativu da se izmjeni Zakon o Univerzitetu u Bihaću na način da se rok za okončanje magistarskog i doktorskog rada definiše za 31.12.2018.godine.

### III. FINANSIJSKA SREDSTVA

Za provođenje ovog Zakona nisu potrebna finansijska sredstva te samim tim nije ni tražena procjena fiskalne odgovornosti od Ministarstva finansija.

Predsjedavajući Komisije

Damir Hodžić, s.r.

